

Obavještenje o Odluci Visokog predstavnika za ukine zabrane koje su određenom broju bivših javnih zvaničnika izrečene u odlukama Visokog predstavnika

Visoki predstavnik je, putem svojih odluka od 7. marta 2003. godine, 7. jula 2003. godine, 3. februara 2004. godine, 16. aprila 2004. godine, 30. juna 2004. godine, 16. decembra 2004. godine, 10. jula 2007. godine, i 30. maja 2008. godine, smijenio osobe navedene u dodatku ovog Obavještenja o Odluci (u daljem tekstu: ova Odluka) s javnih i/ili stranačkih pozicija na kojima su u to vrijeme nalazile. Odlukom je takođe zabranjeno osobama navedenim u dodatku ovog Obavještenja o Odluci da obavljaju bilo koju službenu, izbornu ili imenovanu javnu funkciju, kao i da se kandidiraju na izborima ("zabrane"). Smjenjivanja i zabrane izrečene su radi opstrukcije provođenja Općeg okvirnog sporazuma za mir koja je izvršena putem izostajanja saradnje s Međunarodnim krivičnim sudom za bivšu Jugoslaviju (MKSJ; Tribunal).

Ratko Mladić, koji je donedavno bio posljednja odbjegla osoba pod optužnicom MKSJ-a u vezi sa zločinima počinjenim u Bosni i Hercegovini, optužen je 1995. od strane Ureda tužioca MKSJ-a za genocid, zločine protiv čovječnosti i ratne zločine, navodno počinjene tokom perioda od 1992. do 1995. godine u Bosni i Hercegovini.

Nakon što su optužnice protiv obje osobe, Radovana Karadžića i Ratka Mladića, potvrđene 1995. godine, nalozi za hapšenje dostavljeni su tadašnjoj Saveznoj Republici Jugoslaviji, tadašnjoj Republici Bosni i Hercegovini, i upravi bosanskih Srba, koja je naknadno postala Republika Srpska. Budući da nalozi nisu izvršeni, Tribunal je izdao međunarodnu potjernicu radi hapšenja.

Tribunal je smatrao da bi se neuspjeh da se uhapsu Karadžić i Mladić mogao pripisati odbijanju tadašnje Savezne Republike Jugoslavije (Srbije i Crne Gore) i Republike Srpske da sarađuju s MKSJ-om. Tribunal je konkretno konstatirao da je ovaj neuspjeh predstavljao kršenje obaveza koje je u ime Republike Srpske preuzela Savezna Republika Jugoslavija u Dejtonskom mirovnom sporazumu.

Vijeće sigurnosti Ujedinjenih naroda donijelo je takođe niz rezolucija kojima se traži postupanje u skladu sa zahtjevima Tribunala.

Ratko Mladić je izbjegavao hapšenje tokom 16 godina. Nakon njegovog hapšenja 26. maja 2011. godine, kao i njegovog prebacivanja iz Republike Srbije u pritvor MKSJ-a 31. maja 2011. godine, uvjeti za ukidanje zabrana su ispunjeni. Ovim putem izričito se izjavljuje da zabrane izrečene na osnovu međunarodnog mandata visokog predstavnika u vezi s osobama navedenim u dodatku ove Odluke više nisu na snazi.

Ovom se Odlukom ne daje pravo nijednoj od osoba navedenih u dodatku ovog Obavještenja o Odluci da se vrate na funkciju s koje su ranije smijenjene na osnovu odluka, niti se podrazumijeva nijedna obaveza od strane poslodavaca da vrati ove osobe na posao, odnosno da ih obešteti radi gubitka zaposlenja.

Nadalje, ovom se Odlukom ne daje pravo nijednoj od osoba navedenih u dodatku ove Odluke na obeštećenje ili druge oblike neostvarenih novčanih beneficija ili privilegija odnosno statusa koji su izgubili kao rezultat navedenih odluka.

Ova Odluka ne predstavlja amnestiranje, nego prospektivno ukidanje odluka. Odluke se ne brišu i ostaju kao integralni dio zakonodavne evidencije Bosne i Hercegovine.

Ovom se Odlukom ne utječe na rješenje, niti se njome na drugi način ne prejudicira rješenje u bilo kojem krivičnom postupku koji se vodi ili će se voditi unutar ili izvan Bosne i Hercegovine.

Ukoliko su odredbe ove Odluke u suprotnosti s domaćim zakonodavstvom u vezi s bilo kojim od predmeta koji su njom obuhvaćeni, ova Odluka će biti mjerodavna.

Ova Odluka stupa na snagu odmah i ne zahtijeva preduzimanje nikakvih dodatnih proceduralnih radnji.

Ova Odluka objavljuje se na službenim internetskim stranicama Ureda visokog predstavnika i objavljuje se odmah u

“Službenom glasniku Bosne i Hercegovine” i “Službenom glasniku Republike Srpske”.

Sarajevo, 10. juna, 2011.

Dr. Valentin Inzko

Visoki predstavnik

Prilog:

Spisak osoba na koje se odnosi Obavještenje o Odluci Visokog predstavnika da ukine zabrane koje su određenom broju bivših javnih zvaničnika izrečene u odlukama Visokog predstavnika

- | | |
|---------------------------------|--------------------------------|
| 1. MilovanBjelica | 30. RadomirLukić |
| 2. ĐojoArsenović | 31. DragomirLjubojević |
| 3. DragomirVasić | 32. Miloš Lazović |
| 4. DraganBašević | 33. Aleksandar Savić |
| 5. VeljkoBorovčanin | 34. Slavo Čeliković |
| 6. Ivan Šarac | 35. Ljubisav Simić |
| 7. Mirko Šarović | 36. Dragan Vučković |
| 8. DejanMiletić | 37. Predrag Perković |
| 9. CvetkoCvjetkoSavić | 38. Mirko Delić |
| 10. Pantelija Čurguz | 39. Slavko Tošović |
| 11. NedjeljkoNedeljko Đekanović | 40. Ljubomir Erić |
| 12. BožidarVučurević | 41. Stevan Tadić |
| 13. CvjetanCvijetinNikić | 42. Novak Gojković |
| 14. MilanNinković | 43. Zoran Žuža |
| 15. DuškoKornjača | 44. Drago Dragutin Đurašinović |
| 16. MilanTupajić | 45. Zvonko Bajagić |
| 17. Rodoljub Đukanović | 46. Pantelija Damjanović |
| 18. ZoranPetrić | 47. Jovan Čizmović |
| 19. MilePejčić | 48. Radenko Damjanović |
| 20. Zoran Đerić | 49. Milorad Marić |
| 21. Pero Šakota | 50. Milomir Mališ |
| 22. MirkoVojinović Bojinović | 51. Predrag Jovičić |
| 23. SvetislavJokić | 52. Petko Pavlović |
| 24. DragomirKeserović | 53. Milorad Bilbija |
| 25. VesnaEćim-Zlojutro | 54. Čedomir Popović |
| 26. MomčiloKomljenović | 55. Nade Radović |
| 27. MilenkoStanić | 56. Mrkša Skočajić |
| 28. Momir Tošić | 57. Dragomir Andan |
| 29. Mihajlo Mijanović | 58. Predrag Čeranić |